



Lindås kommune  
Kvernhusmyrene 20  
5914 ISDALSTØ

Dato: 15.10.2015  
Vår ref.: 2015/9477-29  
Saksbehandlar: karvik\_  
Dykkar ref.:

## Tildeling av midlar til Den kulturelle skolesekken for skuleåret 2015 / 2016

Fordeling av spelemidlar til Den kulturelle skolesekken (DKS) for 2015/2016 vart handsama av Kultur- og ressursutvalet 20. august 2015, der total tildeling på kr 16 447 690 vart vedteken fordelt slik:

- Tildeling til Bergen kommune: kr 4 656 559.
- Tildeling til resten av kommunane: kr 3 068 130. (Sjå liste nedst i brevet.)
- Tildeling til kursregionar: kr 250 000.
- Kunst- og kulturformidling i grunn- og vidaregåande skule: kr 8 473 002. (Hordaland fylkeskommune sitt program.)

Private skular er rekna med i fordelinga av midlane. Kommunar som har private skular må ta ansvar for å inkludere desse i DKS-arbeidet.

### 1. Mål og prinsipp for DKS

Styringsdokumenta for DKS er St.meld. nr. 38 (2002-2003) Den kulturelle skolesekken med den tilhøyrande Innst. S. nr. 50 (2003-2004), og St.meld. nr. 8 (2007-2008) Kulturell skolesekk for framtida med tilhøyrande Innst. S. nr. 200 (2007-2008).

Med utgangspunkt i departementale føringsdokument er det vedtatt følgjande hovudmål for DKS i Hordaland:

- å medverke til at elevar i skulen får eit profesjonelt kunst- og kulturtildel;
- å leggje til rette for at elevar i skulen lettare skal få tilgang til, gjere seg kjende med og få eit positivt forhold til kunst- og kulturuttrykk av alle slag;
- å medverke til å utvikle ei heilskapleg innlemming av kunstnarlege og kulturelle uttrykk i realiseringa av skulen sine læringsmål;
- å gje born oppleveling av kunst og styrke deira eiga skaparevne;
- å styrkje born si evne til å stille spørsmål, og stimulere til undring og kritisk vurdering.

Jamfør tildelingsbrev frå Kulturdepartementet, skal DKS utformast og vurderast ut frå følgjande prinsipp:

- *Varig ordning:* DKS skal vere ei varig ordning for elevar i skulen.
- *For alle elevar:* DKS skal femne om alle elevar i grunnopplæringa, uavhengig av kva skule dei går på og kva bakgrunn dei har.

- *Realisere mål i læreplanverket:* Innhaldet i kunst- og kulturtildelingsbrevet i DKS skal medverke til å realisere skulen sine mål slik dei kjem til uttrykk i den generelle delen i læreplanverket og i dei ulike læreplanane.
- *Høg kvalitet:* Elevane skal møte profesjonelle kunst- og kulturtildelingsbrev med høg kunstnarleg kvalitet.
- *Kulturelt mangfold:* DKS skal omfatte ulike kunst- og kulturuttrykk med røter i eit mangfold av kulturar og frå ulike tidsperiodar.
- *Breidd:* Både musikk, scenekunst, visuell kunst, film, litteratur og kulturarv skal vere representerte i DKS. Det skal vere variasjon i formidlingsmåtane.
- *Regularitet:* Elevane skal sikrast eit regelmessig tilbod på alle klassetrinn.
- *Samarbeid kultur - skule:* Arbeidet med DKS skal skje i eit godt samarbeid mellom kultur- og opplæringssektoren på alle nivå. Det skal sikrast god forankring og tid til planlegging i skulen.
- *Rollefordeling kultur - skule:* Opplæringssektoren har ansvaret for å førebu elevane, medan kultursektoren har ansvaret for kvalitet i produksjonane som vert tilbydt i DKS og for å informere om innhaldet i god tid.
- *Lokal forankring og eigarskap:* DKS må forankrast lokalt, i den enkelte skulen, kommunen og fylket. Dette sikrar lokal entusiasme og gjev rom for mange lokale variantar, slik at alle skal kunne kjenne eigarskap til DKS.

## **2. Andre mål og føringer (jamfør tildelingsbrev frå Kulturdepartementet)**

Det er eit overordna mål å sikre at personar med nedsett funksjonsevne skal ha lik tilgang og høve til å delta i kulturlivet som andre, både som publikum og som aktive deltagarar. For å nå denne målsettinga bør omsynet til elevane sine ulike føresetnader og behov bli tatt med i planlegging, utforming og gjennomføring av DKS.

Samiske kunst- og kulturuttrykk og samisk kulturarv skal vere ein integrert del av DKS. I tiltak som inneber formidling av samisk kultur, bør kommunen ha kontakt med opplæringsavdelinga i Sametinget.

Det er eit mål å styrke både norsk språk generelt, nynorsk spesielt og eleven sin forståing av nordiske nabospråk. Dette bør verte spegl i tilboda elevane får i DKS.

## **3. Samarbeid og forankring (jamfør tildelingsbrev frå Kulturdepartementet)**

Arbeidet med DKS skal vera forankra i politiske og administrative prosessar og planverk i kommunen. Vidare må arbeidet bygge på samarbeid og nettverk mellom kultur- og skulesektoren, og med kulturinstitusjonar regionalt og nasjonalt. Det er ønskjeleg at representantar frå aktuelle høgskoler og kulturinstitusjonar er involverte i arbeidet. Kommunen bør sikre at elevene vert involverte i planlegginga.

## **4. Ordning for kommunar som ønskjer direkte tildeling av midlane (jamfør tildelingsbrev frå Kulturdepartementet)**

Dersom ein kommune eller fleire kommunar i eit interkommunalt samarbeid ønskjer å få direkte tildeling av spelemidla, er det høve til det. Kommunar som vel direkte tildeling forpliktar seg til å sikre at prinsippa for ordninga vert ivaretatt. Kommunen og fylkeskommunen inngår då ein avtale om korleis ordninga skal gjennomførast.

Kommunar som ønskjer å vera med i ei slik ordning må utarbeide plan for korleis arbeidet med DKS skal gjerast i kommunen. Planen må:

- gjere greie for korleis kommunen vil sikre prinsippa for ordninga,
- omfatte samarbeid mellom kultur- og opplæringssektoren,
- ivareta alle dei ulike kunst- og kulturuttrykka,

- gjere greie for korleis ein vil sikre den formidlingsmessige kvaliteten på innhaldet og vise korleis DKS er tenkt forankra i skulene med omsyn til organisering og tilknyting til den faglege verksemda i skulen,
- vise til eigen ressursbruk i kommunen, til administrasjon og til kompetansehevande tiltak,
- vera politisk forankra.

Fylkeskommunen vil vera ansvarleg for å følgje opp årlege rapportar og planar.

## **5. Vilkår for tildelinga**

Det er ein føresetnad for tildelinga at kommunen til ein kvar tid har ein gjeldande DKS-plan og rapporterer om tiltaka i kommunal regi. Vidare skal kommunen levere rekneskap for verksemda. Manglande plan, rapportering og rekneskap kan føre til bortfall av tildeling for neste skuleår.

Tildelte midlar skal nyttast i tråd med måla og prinsippa for ordninga, og kan ikkje nyttast til administrasjon og kompetanseheving (turnélegging, nettverkssamlingar, kulturtorg og liknande).

DKS skal vera eit tillegg til eksisterande satsingar på skule-, kunst- og kulturområdet, og ikkje erstatta neverande tiltak eller satsingar som vert finansierte med andre midlar. Midlane skal ikkje gå inn i ordinær skuleundervisning eller i allereie eksisterande skuletiltak.

Kvar kommune skal til ein kvar tid ha ein DKS kommunekontakt som har som arbeidsoppgåve å utvikle skolesekken i kommunen og regionen, og som skal ha eit aktivt forhold til utviklinga av DKS i fylket.

Fristar:

- Frist for innsending av plan er 1. juni før skuleåret byrjar.
- Rapport på tiltak for kalenderåret 2015 skal gjerast elektronisk innan 1. februar 2016.
- Rekneskap frå kommunen for kalenderåret 2015 skal liggja føre innan 1. mai 2016.

Er tildelinga på over kr 100 000, skal rekneskapen vera stadfesta av revisor. Er den ikkje over kr 100 000, kan han ev. stadfestast av økonomiansvarleg i kommunen.

Vi gjer merksam på at dersom kommunen har overført spelemidlar direkte til grunnskulane, må kommunen likevel rapportera etter dei premissane som vert gjort gjeldande i dette tildelingsbrevet.

Kommunen skal som tidlegare rapportere i nettbasert rapporteringsskjema, og fylkeskommunen er ansvarleg for å følgje opp rapportane frå kommunane. Nærare informasjon om pålogging og nettadresse kjem.

## **6. Spesifisering av tildeling av spelemidlar til kommunane**

DKS i Hordaland løyver totalt kr 3 068 130 i denne tildelinga:

Askøy	kr 248 427	Jondal	kr 27 150	Samnanger	kr 47 028
Austevoll	kr 85 321	Kvam	kr 123 360	Stord	kr 168 911
Austrheim	kr 40 466	Kvinnherad	kr 210 132	Sund	kr 95 929
Bømlo	kr 145 305	Lindås	kr 181 414	Sveio	kr 82 343
Eidfjord	kr 26 227	Masfjorden	kr 44 874	Tysnes	kr 61 259
Etne	kr 59 851	Meland	kr 90 343	Ullensvang	kr 71 913
Fedje	kr 25 304	Modalen	kr 24 658	Ulvik	kr 27 519
Fitjar	kr 51 704	Odda	kr 77 412	Vaksdal	kr 66 367

Fjell	kr 254 974	Os	kr 163 304	Voss	kr 175 538
Fusa	kr 88 637	Osterøy	kr 126 322	Øygarden	kr 78 528
Granvin	kr 26 781	Radøy	kr 70 828		

**Lindås kommune** har fått tildelt **kr 181 414**.

Det er ein føresetnad at dei tildelte midlane vert plassert på renteberande konto. For kommunar som får over 100 000 kr, er det eit krav at renteinntektene av dei tildelte midlane går til føremålet. For kommunar som får under 100 000 kr av spelemidlane, er det eit ønskje, men ikkje eit krav, at renteinntektene går til føremålet.

## 7. Utbetaling

Vi viser til krav som går fram av den reviderte forskrifta om IT-standard i offentleg forvaltning som regjeringa har vedtatt. Leverandørar til kommunar og fylkeskommunar vert pålagde å sende elektroniske faktura og kreditnota på standardformatet EHF frå 1. januar 2015. Tilskotsmottakar vert i denne samanheng definert som Leverandør då dette er ei utbetaling.

For utbetaling av tilskot, må de sende ein elektronisk faktura (EHF) til Hordaland fylkeskommune. Dette kan gjerast på to måtar:

1. For tilskotsmottakarar med eige fakturasystem, opprett ein EHF-faktura i og merk fakturaen med *saksnummer* og *ressursnummer*.
2. For tilskotsmottakarar utan eige fakturasystem, men med organisasjonsnummer, opprett ein brukar og send EHF-faktura via fakturaportalen Basware Supplier Portal (gratis).

Ved bruk av portal skal *saksnummeret* brukast som fakturanummer, og *ressursnummer* skal fyllast ut i feltet Kjøpars referanse.

- Link til fakturaportal <https://bsp.basware.com/SupplierPortal/login.aspx>
- Link til brukarrettleiing <http://www.hordaland.no/PageFiles/54618/Brukarrettleiing%20til%20fakturaportal.pdf>

Saksnummer: 2015/9477-29

Ressursnummer: 400023

Beløp: kr 181 414,-

Beløpet vil bli utbetalt når Hordaland fylkeskommune har mottatt og behandla EHF-faktura med korrekt merking med saksnummer og ressursnummer. De har ansvar for å kontrollere at utbetalt beløp er korrekt. Eventuelt for mykje utbetalt tilskot skal betalast attende snarast.

Ta kontakt dersom noko er uklart.

Hordaland fylkeskommune ser fram til vidare samarbeid om DKS.

Anna Elisa Tryti  
fylkesdirektør kultur og idrett

Ronny Skaar  
utviklingssjef

*Brevet er godkjent elektronisk og har derfor ingen underskrift.*

Kopi til:  
Eileen Marie Feste